

Txirritola

ARAMAIO / Egubakoitza / 2002ko urtarrilaren 18a / 12. zenbakia

KOORDINATZAILEA: Ubane Madera • Otolara Lizentziaduna z/g 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com

Euskara zabaltzeko urte osorako ekitaldiak, Txirritolaren eskutik

UBANE MADERA

Txirritola euskara elkarteak tinko dihardu euskara gizartearen esparru guztietara zabaltzeko helburuarekin. Hori lortzeko, eta aurtengo urteari begira, hilabete bakoitzerako egitasmoak prestatu dituzte, Txirritolaren esanetan, "kultura eta sentiberatasuna uztartuko dituzten ekitaldiak".

Urtarrilerako, esaterako, diapositiba emanaldia antolatu dute. Datorren egunean izango da, hila-

ren 24an. Andoni Arriolabengoak, Indonesiara egin zuen bidaia oinarri, hango uharteen gainean jardungo du, 19:00etan, kultura etxean. Otsailerako, berriz, ipuin lehiaketa antolatu du Txirritolak, lehenengo aldiz. Otsailetik aurrera, esan bezala, hilero izango da ekitaldiren bat. Jakina, saio guztiak euskaraz izango dira eta euskal kulturarekin lotutakoak.

EGUTEGIA

Orain dela urte bi sortu zen Txirritola euskara elkarte, "euskarraren erabilera gizartearen espa-


rru guztietara hedatzeko" helburuarekin. Ordutik hona, eta helburu hori betetzeko asmoz, makinena bat ekimen antolatu dute; are gehiago, ekimen horietako batzuk dagoeneko urteroko hitzordu bihurtu dira: Sagardogileen eguna San Prudentzio egunean, Partxis Lehiaketa San Martin egunean edo Txirritola eguna irailean. Taldekideak pozik daude orain arte lotutako emaitzekin. Ana Martiarena Txirritolako kideak adierazi digunez, "gaitza da Aramaion zerbait egin eta jendeak parte hartzea; gaitza da jendea erakartzeko gauzak egitea; eta, herri txiki bat izateko, nahiko jende etorri izan da gure ekitaldietara".

EGUTEGIA

Urtarrila: diapositiba emanaldia
Otsaila: ipuin lehiaketa
Martxoa: antzerkia (Orratz antzerki taldea)
Apirila: Sagardogileen eguna eta talo ikastaroa
Maiatza: Sendabelarrak (Alberto Altube)
Ekaina: hitzaldia (Sahara)
Uztaila: herri olimpiadak eta txalaparta ikastaroa
Iraila: Txirritola eguna
Urria: Itzal txinatarra
Azaroa: III. Partxis Txapelketa
Abendua: egutegia eta sukaldaritza ikastaroa.



Besteak beste, txalaparta ikastaroa izango da, Txirritolaren eskutik.



Txotx Iturrietan!!! 10.000 litro zain

Atzo, eguna, txotx egin zuten Iturrieta sagardotegian. Aramaior dezente elkartu zen han, herriko txalapartariekin eta trikittariekin batera, jai giro bikainean. Aurten, Iturrietakoek txotx ekitaldia aprobetxatu dute gurasoei omenaldia egiteko: "Haiei eskertatera da aurrera gure sagardotegia, sekulako lana egin dute, eta sentimendu osoz eskaini diegu omenaldia". 10.000 litro sagardo egin dituzte Iturrietakoek. Enologoaren arabera, iazkoa baino hobea izango da, denetarik du-eta: itxura ona, indarra, goxoa eta apurtxo bat iluna. Hortaz, probatzea besterik ez dago!

HERRITARREN HITZA / Manex Agirre • Ikaslea

Gasteizko argiez

Artikulu bat idazteko eskatu didate. Ez dut nire burua engainatuko. Ez zaituztet zuek ere engainatuko. Hemen idatzi behar ditudan hitzen erdiak ez dira nireak izango, sentitzen dut. Handik edo hemendik harturikoak izango dira eta nire eginak ondoren. Libururen batean irakurritakoa aurrez nik pentsatu izan dudala sentitzea ez zait askotan gertatzen, baina gertatzen zaidanean orgasmo txiki bat bezalakoa da. Horra ba, hitz anonimoak, neuretuak.

Gasteizen ari naiz ikasten, eta argitasun berezi bat duen hiria da Gasteiz. Argitasuna

zokondo guztietan sartzen da, itsugarria izateraino. Badira hiru edo lau aste txoriak gaueko hamabietan hasten direla kantuan Florida parkeko zuhaitz tantaletatik, argitasunaz gogaituta edo. Eta pertsonok ere aspertu egiten gara askotan hainbesteko argiz, ikusi beharrekoak baitira jendearen aurpegiak kaletik pasatzerakoan: nazka, tipulabegiak, begira odolduak. Apokaliptik hurbilen dagoen hiria da



"Egiteke daude irribarrerik zabalena"

anonimoen hitzak. Irakurri dugu arima lurrera erortzen zaigunean, errealitatea datorrela guregana eta esaten digula:

Gasteiz, munduko hiririk argitsuena, San Petersburgo edo Helsinki baino argitsuagoa.

Arima lurrera erortzen zaigu hainbeste argitasunekin, obratan daukagu Gasteizko biztanleok arima: aldamiroz josita. Hitzak geratzen zaizkigu azken aukeratzat ordea,

begira nazazu, zure begiek bizitza osoan ikus lezaketena baino askoz ere handiagoa naiz ni. Irakurri dugu baita ere litezkeen gauzarik ederrenak ez direla oraindik idatzi, ez direla oraindik esan, egiteke daudela irribarrerik zabalena. Eta Gasteizko biztanleok dekretuz erabaki dugu (inoiz ez da dekretu bat hain polita izan): nola ez dugu arima obratatik aterako mundua hain zabala eta arrotza izanda? Gasteiz munduko hiririk argitsuena bada ere, hitz anonimoak geuretu eta arima altxatzen zaigu zeruraino edo ilargiraino edo... Politza da Gasteiz.

LABUR

2002ko telefonoen gida banatuko dute aste bukaeran

Gaur hasi eta bihar jarraituko dute 2002ko telefonoen gida banatzen. Aurten lehenengo aldiz, Aramaioko telefonoen gida ere izango ditu gidak. Aurtengo sateko, Aretxabaletako, Eskiariatzako eta Leintz Gatzaga ko telefonoekin batera. Dena hain justu, herri horietako banatuko dituzte gidak, gutxi tira, 12.300 ale. Esan bezala, asteburuan banatuko dituzte horrela, astelehenerako (hilabete 21) jaso ez duenak 943712380 telefonora deitu edo kulturaren atxerara joan beharko du.